

170 84.

# QVÆSTIO MEDICA

IN PVBLICIS

## ANDEGAVENSIVM

MEDICORVM

SCHOLIS AGITANDA, DIE XVII.

AVGVSTI, ANNO CHRISTI

Redemptoris M. DC. LVIII.

hora nona matutina.

*An sit in Arthriticis affectibus necessaria Vena sectio*



### ANDEGAVI,

Apud PETRVM AVRIL, Academiæ Typographum.

---

A. R. S. H. M. DC. LVIII.





ILLVSTRISSIMO

AC NOBILISS. VIRO DOM. D.  
IACOBO DE MAGDELENE,

DOM. DE LA RAVINIERE,  
IN SENATV PARISIENSI CONSILIARIO  
EQVISSIMO AC INTEGERRIMO.



**S**ACRA *Illa Reipublica humaneque societatis,  
ac pacis tuenda magistra Iurisprudentia, meritò  
ingratitude me postulat, nisi ipsam studiorum  
meorum Tesseram, VIR ILLVSTRISIME,  
Tibi dicarem. Iubet enim officij mei ratio, tua beneficia  
urgent, impellit amplitudo. Que omnia, ut in Te sum-  
ma sunt, ita me summe ad id mouere. Nam præter  
alias, VIR ILLVSTRISIME, tui animi dotes, duæ  
sunt quæ arctissimo vinculo, quasi clauis trabalibus omnes  
Tibi iungunt, Iustitia & Religio Quibus tanquam vir-  
tutum omnium ambitus, populi salus & rerum publica-  
rum fortuna continetur. Hæc enim vtriusque potissima*

sunt fulcra ac firmamenta. Religionem colendo, propi-  
tius tibi Deum: Iustitiam administrando, benevolos tibi  
omnes probos ac bonos reddis: iura tractas æquidem,  
VIR ILLUSTRISIME, sed sancte & religiose pe-  
riclitantem innocentiam subleuas tua aequitate. Cau-  
sarum fata ambigua iudicij tui lance dirimis. Necessa-  
rius erat mihi Sapientia clypeus, quo formidanda ho-  
stium Theseos mea tela retundere valerem. A quo nisi à  
Te potui presidium expectare, qui ultro ac sponte in dies  
maiores in me confers gratias? Quantum enim Tibi de-  
beam, sermone complecti, ne quidem cogitatione assequi  
possum, quare me clientela tua adiicio, VIR ILLUS-  
TRISIME, tuoque Nomini consecro,

Tibi observantissimum & obsequentissimum;  
CAROLVM GUYOT, Metensem.



# QVÆSTIO MEDICA,

THERAPEVTICA, IN ANDEGAVENTIVM

MEDICORVM SCHOLIS AGITANDA,

die 17. Augusti, Anno Christi

Redemptoris M. DC. LVIII.



*Est-ne Arthriticis affectibus necessaria Venæ sectio?*

I.



**E**X innumero illo ac infinito morborum numero qui humanum corpus dilaniant, alij sunt interni, alij externi: illi circum præcordia sæuiunt, vt caûsus, & febris pestilens: vel interna phlegmone iugulant, vt hepatitis, peripneumonia, angina, phrenitis: vel meatuum obstructione suffocant, vt apoplexia, quæ planè immedicabilis est, si fuerit sanguis per Cerebri substantiam effusus; cæque est fortis apoplexia Hippocratis: quod si sanguis cum impetu ruens ad Cerebrum, adhuc valis contineatur, inde potest per venæ sectionem reuocari, sed sæpius repetitam, ex vtraque basilica (numquam è saphena) vt & etiam è iugularibus, quæ in præcipiti illo affectu tutò secantur, si peritus & non garrulus adsit artifex. Ad morbos Cerebri refero lethargum, epilepsiam, melancholiam morbum, ephialtem, quorum singulorum curatio pender à sola propriæ causæ amotione, quam soli tollendam norunt <sup>ἱατρὸν</sup> *iateron* <sup>ῥατῆρας</sup> *racetras*, non Empirici, non fumivenduli, fumo qui pereant dignissimi, non ipsi nebulones, ex impuro grege fanatici Paracelsi, insipientes & illiterati: non Agyræ, gens ratione forens, & mentem pasta chimæris: imò sine ratione viuunt, præter æquum mendendi prætextu necant, & sine lege, nimiâ profectò sacræ Themidis indulgentiâ, sacram artem, Medicinam attingunt, quam non intelligunt.

A iiij

**EXTERNORVM** morborum agmen ducunt, suamque tyrannidem crudeliter exercent, arthritidis, scabies Hispanica, eleganter à Fracastorio Syphilis nuncupata, maioribus præliis, balneo, absque sudorificorum usu, quæ propriè nulla sunt, verùm sola hydrargyrosi percuranda; Rheumatismus, veteribus non ignotus, nullis diaphoreticis, at venæ sectione & frigida potu multo debellandus, quibus solis agendorum omnis indicatio adimpletur: nimia obesitas, atrophia, cachexia, variolæ & morbilli; quorum eruptio iuuanda est per venæ sectionem; & ab eruptione repetendam, etiam in lactentibus, si febris, aut diarrhœa, dyspnœa, cardiogmos, delirium, vel aliud symptoma *αἰσχρογαστρικόν* perseveret, neglecto isto scandali & offensionis fragmento, lapide bezoardico, mero instictorum figmento, cuius nulla alia vis est quàm calcis aut cineris. Extensis illis affectibus cutaneos omnes adnumeramus, scabiem, impetiginem, lepram, psoram, phymata, & maiorum tumorum omne genus, qui topicis parum iuvantur, & quorum causa solerti Medico repetenda venit à visceribus intemperatis, malè moratis vel obstructis, ideòque tota medendi methodo indigent, quæ est summum artis Medicæ secretum, Agrytis incompertum, ab Empiricis neglectum, quia non intellectum, semi-Dogmaticis, quibus propè vicus omnis abundat, malè & præposterè intellectum.

III.

**ARTHRITICORVM** affectuum causa est serum putre, malignum, virulentum ac venenatum, interdum ex Cerebro solo, per consequutionem membranarum: interdum ex ventriculo ac iccinore, absque vilo superiorum partium interuentu, aut vitio, in artus defluens atque depluens, cum rubore, calore, dolore, tensione, pulsu, ac renixu. In illis cruciatus est ingens, & acre tormentum, propter affectarum partium sensum exquisitum, nervis ac tendinibus conuulsitarum, siue pedes aut manus occupet, veteris ramalia fagi, siue profundum ischium derineat, vel singulos humanæ compagis articulos, & tunc illa species arthritidis, *μαρμαριζα* rectè ab Erasmo, diuini ingenij viro, scitè nuncupatur. Arthritici dolores à Rheumaticis, situ & loco, dolorisque proprietate inter se distinguuntur, quod illi sint in articulis inclusi, hi verò inania musculorum spatia diuexent. Dif-

ferunt quoque à Lue venerea, quæ tanquam horrendum scortatorum flagellum, suos habet dolores, sed lentos & graues, nocturnos, at minus acutos, perpetuos tamen, nisi sedulo, tantæ virulentia à foedo concubitu contractæ, succurrat sagax aliquis *Æsculapius*, qui nihil asingat, nihil mentiatur, quique venenum à veneno, lepram à lepra, sapienter ac peritè distinguat.

### IIII.

**A** PAGE illos impostores, laruas & mendicabula hominum, perfrictæque frontis medicastro, qui pro omni medendi methodo quam nullam habent, secreta multa pollicentur, ad singulorum morborum depulsionem, quos omnes grauissimos & penè incurabiles prædicant, vt pretiosius atque famosiùs curasse videantur. Tali fraude non indigent arthritici affectus, qui non aliter curandi videntur quàm synochus putris, est enim arthritidis propriè loquendo, febris articulorum, cuius causa à visceribus sursum & deorsum resuens, per venarum & arteriarum cavitates, sanguinis massam totam conspurcat atque contaminat: vnde cuius patet statim recurrendum esse ad venæ sectionem, tanquam ad *ἡγεμονικόν* præsidium, ipso morbi initio, in eius augmento, & vigore, cum iussulis refrigerantibus & frigida potu, dum summa sunt omnia doloris, dum vrgent ciborum fastidium, membrorum impotentia, iuges vigilie, nullo Paracelsico Laudano, mero veneno debellanda. Hic frustra sunt diaphoretica omnia, quæ causam non auellunt, morbum non tollunt, symptomatum ferociam non imminuunt: si quis sit topicis locus, in vsum trahatur oxycratum tepidum, omni oleo ceræ qualibet arte distillato, qualibet aqua mellis potentius atque præstantius.

### V.

**O**MNE feret punctum Venæ sectio, quæ primas debet tenere, utpote quæ citò, tutò & iucundè vasa depleat, nimio rabo coque virulento turgentia, humoris fluxum cohibeat, partes affectas à *véneux* vindicet, à doloris tyrannide liberet, ad superiores partes, præsertim verò pulmonem, quem statim malignitate sua inficit, refluxum impediât: Sed toties celebranda erit, quoties morbi magnitudo postulat, & vires ferent; nec erit de catharsi cogitandum, quæ etiam lenissima sufficiet, ex medulla, foliis Orientalibus ac syrupo diarrhodon concinnata, (procul absint aloë, manna, turkish, à turbandis vi-



Iceribus dictum, gummi Gûta-icemou, syrupus de rhamno solutiùs, elaterium, venenatum stibium, & alia acria, ignea, maligna, ex vtilium medicamentorum grege seridè expungenda) nisi prius per venæ sectionem aliquoties repetitam, morbi vehementia fuerit repressa, vel extincta, quod summâ artis medicæ gloriâ, & insigni agrorum leuamento, quotidie præstant generosè ac Hippocraticè viri optimi & sapientissimi Asclepiadæ, sine præstigiis & fucò medentes, *πολλὰ ἀνέστησαν ἀνθρώποι, καὶ ἐκείνην ἐκείνην.*

*Ergo Arthriticis affectibus necessaria Vena sectio.*

---

DOMINI DOCTORES DISPUTAVRL

*M. Mauricius Froger, Antiquior Magister.*

*M. Robertus Baillif, Præses.*

*M. Iulianus Boissien.*

*M. Annas Iousselin.*

*M. Michaël Neuen.*

*M. Gul. Ferrand.*

*M. Michaël Mocton.*

*M. Iacobus Baillif.*

*M. Simon Baillif.*

*M. Renatus le Tourneur.*

*M. Petrus Iamct.*

---

Harum Conclusionum veritatem, auspice Christo, propugnabit CAROLVS GUYOT, Metensis, An. 1658.

---